



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 220. An sit licitum repercutere in fama vel honore.

urn:nbn:de:hbz:466:1-42561

Herinx de Justit. d. 7. n. 28. detrahentem fortè posse per hoc excusari, quòd damnati non curent famam suam.

§. 16. Si reus legitimè interrogatus neget verum crimen, & ideo infamia redundet in accusatorem, *Caj. Mol.* aliique apud *Dian.* p. 3. t. 5. R. 30. dicunt huic fieri injuriam, quia negando crimen implicitè dicit eos falsò & calumniosè accusare, ergo est causa injusta illius infamiae. E contrà *Faber & Dian.* suprà, *Lugo* d. 15. n. 14. *Dicast.* n. 291. *Haun.* n. 556. *Spor.* t. 5. c. 4. n. 98. probabilius negant, quia reus non tenetur ex justitia fateri crimen, multò minùs juvare accusatorem, vel contra seipsum agere, ergo negando, donec probetur, non est causa positiva, sed tantùm permisiva illius infamiae.

§. 17. Si Titius per mendacium infamavit *Cajum*, & ego possim sine incommodo salvare famam Caii manifestando mendacium Titii, non detraho, si manifestem, quia Cajus retinet jus ad famam, & isti juri conservando licet cooperor: imò *Lugo* d. 10. à n. 212. docet me ex charitate ad hoc teneri, sicut si possem sine incommodo, tenerer tibi manifestare furem, nem tuam pergit injustè retinere: Vide tamen dicta l. 2. n. 219.

Quod *Busenb.* in fine dicit de illo, qui sibi falsum crimen imponit, ob quod morte plectetur, quòd nempe non peccet graviter, nec censeatur seipsum occidere, de hoc recurret mentio L. 4. n. 1523.

Q. 220. *An sit licitum repercutere in famam vel honore, id est, infamare vel in honorare eum, à quo quis injustè infamatus vel in honoratus est.* Bz. §. 1. Com-

Tom. III. CCC muni-

muniter non est licitum, quia communiter hoc non est medium unicum vel certò efficax ad recuperandam famam aut honorem, uti rectè probat *Carden.* in 2. crisi diss. 26. n. 16., ergo illicium est adhibere illud cum tanto præjudicio proximi: deinde quia communiter adest spiritus vindictæ, quæ privato non licet.

1214 §. 2. Si quis possit tueri vel recuperare famam, aliter, quām infamando detractorem, peccat contra justitiam, si, ut ei fidem deroget, ipsum vicissim infamet, ita cum communiLugo d. 15. n. 49. *Leff.* 1. 2. c. 11. n. 133., quamvis innuat velut probabile, quod sit contra Charitatem tantum. Ratio nostra est, quia detractor habet jus, ne plūs fiat, quām necessarium est ad defensionem vel recuperationem famæ, ergo cùm reciproca infamatio non sit ad hoc necessaria, habet jus ad negationem illius. Idem magis vallet, si infamatio alterius sit inutilis ad recuperandam famam vel honorem suum; tum autem esset inutilis, si crimen manifestandum non redderet inhabilem ad testificandum, aut si accusatus non posset illud crimen detractoris probare, nam sine probatione nihil prodebet ad defensionem.

1215 §. 3. Mortale est alteri falsum crimen grave imponere, ut sic elidatur ejus authoritas vel defendatur honor, nam hæ duæ prop: sunt ab *Inn.* XI. damnata: 43. *Quidni non nisi veniale sit detrahentis authoritatem magnam sibi noxiā falso crimine elidere?* 44. *Probabile est non peccare mortaliter, qui imponit falsum crimen alicui, ut suam iustitiam & honorem defendat: & si hec non sit probabile, vix ulla erit opinio probabilis in Theologia.* Ratio autem est, quia est

est mendacium in re gravi; deinde etiam est grave contra justitiam, uti jam dicetur.

1216

§. 4. Tale falsum crimen imponere detra-
henti , est in primis contra Justitiam legalem ,
quia est contra jus, quo Resp: obligat singulos fi-
bi subditos , ne Judicem à se constitutum deci-
piant in fls, quæ ad publicam & rectam gubernationem spectant, sicutque inducant ad puniendum
aliquem ob crimen falsum : Deinde etiam est
contra justitiam commutativam, sive fiat in- sive
extra Judicium , ita Carden: & alii contra Lugo &
& alios. Ratio est , quia quisque habet jus , ne in-
fametur criminē falso , sicuti quisque habet jus ,
ne à privato occidatur, quod utrumque jus non
amittitur , nisi ubi est defensio cum moderamine
inculpatæ tutelæ, qualis tum tantum est, si medi-
um , quod adhibes ad te defendendum , sit unic-
um & certò efficax , quod hic non est. Deinde
hæc defensio est in perniciem & contra jus Rei-
publicæ, ergo est illicita, ergo non potest dici esse
defensio cum moderamine inculpatæ tutelæ ,
hæc enim est licita. Nec obstat , quod talis infama-
tio non sit contra justitiam , in quantum est re-
cupero famæ suæ injustè lœsæ , nam est contra
justitiam , in quantum est recuperatio per infa-
mationem falsam, eò quod hæc sit contra jus ad
famam, quod habet ille, qui infamatur, ne læda-
tur circa materiam, in qua est innocens.

§. 5. Licitum est, per se loquendo , crimen 1217
verum detrahentis vel falsò accusantis manife-
stare , quantum necessarium est ad elidendam
authoritatem illius , quia injuriam patiens habet
jus ad defensionem suî , nec detrahens aut inju-
stè accusans potest esse rationabiliter invitus ,

Ccc 2 cum

cum ipsemet cogat injuriatum ad hoc medium
necessarium de se licitum , ita Card. n. 48. Imò
aliqui dicunt id licere , quamvis esset accusatus
de vero crimine sed occulto injuriosè manifesta-
to, quia adhuc injustè læsa est ejus fama, ad quam
recuperandam jus habet. Addit Carden. si falsò
vel injustè accusatus inde passurus esset leve da-
mnum & accusans grave , tum fore contra Cha-
ritatem revelato ejus gravi criminis authoritatem
elidere. *Dixi*, per se loquendo , nam aliter lo-
quendum est, si quis sub secreto illud habeat, vel
injustè notitiam illam acquisiverit , utì dicetur à
1228.

1218 §. 6. Qui ab alio falsâ calumniâ impetratur , nec
aliter potest eam refellere, potest calumnianti di-
cere, quòd mentiatur, quamvis hoc sit ipsi futu-
rum ignominiosum, nam utitur moderamine in-
culpatæ tutelæ, ita cum aliis Mendo diff. 1. n. 225.
Idem dicunt aliqui, quamvis crimen, quod obji-
citur, foret verum , dummodo non sit publicum ,
quia calumniator tum adhuc mentitur quoad fa-
mam publicam , sed in hoc videtur esse restrictio-
nimùm mentalis, nam neque ex verbis alterius ,
neque ex circumstantiis colligi potest, quòd lo-
quatur de fama publica ; posset tamen dicere esse
quoad hoc calumniatorem & sibi facere injuri-
am.

1219 Q: 221: *Quid notandum sit, si hoc, quod de alte-*
ro dixisti, fuit publicum. R. Seqq:

§. 1. Aliquid potest esse publicum tripliciter ,
in primis *Jure* , si sciatur per confessionem Rei in
publico judicio vel per sententiam Judicis jam
publicatam : Deinde *Facto* seu per ipsam facti e-
videntiam apud tot , ut attentâ conditione illo-
rum